

ISUMALIUTISSIISUT

Nannunik piniarneq illersuinerlu pillugit Namminersorlutik Oqartussat nalunaarutaat allanngorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Taamaalilluni nannunik inuit najugaqarfiinut pisunik pisarinnittoqarsinnaanngorlugu, pisaqarnissaq sioqqullugu immikkut akuersissummik peqqaangikkaluarluni.

Pillugu

Aalisarnermut, Piniarnermut Nunalerinermullu Ataatsimiititaliamit saqqummiunneqartoq
Jens Napaattooq, Naleraq saqqummiussaa

Siunnersuutip aappassaaneerpeqarnissaanut saqqummiunneqartoq

Ataatsimiititaliap suliamik suliarinninnermini ilaasortarai:

Inatsisartunut ilaasortaq Jens Napaattooq, Naleraq siulittaasoq
Inatsisartunut ilaasortaq Aslak W. Jensen, Siumut, siulittaasup tullia
Inatsisartunut ilaasortaq Hans Aronsen, Inuit Ataqtigiit
Inatsisartunut ilaasortaq Siverth K. Heilmann, Atassut
Inatsisartunut ilaasortaq Knud Mathiassen, Inuit Ataqtigiit
Inatsisartunut ilaasortaq Karl Tobiassen, Siumut
Inatsisartunut ilaasortaq Jens-Frederik Nielsen, Demokraatit

UKA2021 11. november 2021 siullermeerinninnerup kingorna siunnersuut ataatsimiititaliamit misissorneqarpoq.

Siunnersuutip imarisaa siunertaalu

Nannut inoqarfinnut pisut immikkut akuersissummik qinnuteqaqqaanngikkaluarluni toqunneqartalernissaat siunnersuuteqartumit kissaatigineqarpoq.

Siunnersuutip Inatsisartuni siullermeerneqarnera

Siullermeerinninnermi siunnersuut tapersorsorluarneqarpoq.

Inoqarfiit avataanni bufferzonemik pilersitsisoqarnissaanut periarfissaq siullermeerinninnermi eqqaaneqarpoq.

Tamatuma saniatigut inoqarfiit eqqaanni nannut ajornartorsiutaasut toqunneqartut pisassiissutitut ilaatinneqartassanngitsut arlalinnit kissaatigineqarluni oqaatigineqarpoq.

Aammattaaq nannut ajornartorsiutaasut pisarineqartut kiisalu ajornartoornermi imaluunniit allatut iliorsinnaannginnermi pisarineqartut piniartumut tamakkiisumik imaluunniit sumiiffimmi pineqartumi agguariaatsit malillugit tutsinneqartassasut kissaatigineqarpoq.

Siunnersuummik ataatsimiititaliap suliarinninnera

Siunnersuut naleqquttorujussuartut ataatsimiititaliamit isigineqarpoq siunnersuuteqartorlu isumaqatigalugu innuttaasut toqqissisimanissaat inuunerallu nannunit pingaarnerutinneqassasq. Taamaamat nannunik piniarneq illersuinerlu pillugit nalunaarutip atuuttup allanngortinnissaa ataatsimiititaliamit pitsaasuusorineqarpoq.

Inoqarfiit avataanni bufferzonenik pilersitsisoqarnissaanut periarfissat ataatsimiititaliamit soqutigintartut isigineqartut kaammattuutigalugulu isumaliutissiisummik allannguinissami periarfissap taassuma Naalakkersuisunit misissorineqarnissaa.

Neqinik pilersorneqarnissaq, piniartut aningaasaqarnerat kulturitsinnilu pingaartitagit eqqarsaatigalugit nannut ajornartorsiutaasut pisarineqartut kiisalu ajornartoornermi imaluunniit allatut iliorsinnaannginnermi pisarineqartut piniartumut tutsinneqartallissasut, sumiiffinnilu pisanik agguasseriaatsit ataqqineqartassasut.

Siunnersuummik aappassaaneerinninnissamut atatillugu siunnersuut UKA 2020¹-mi kingullermik saqqummiunneqarmat Naalakkersuisut isummaminnik allannguisimanerannut pequtaasoq nassuiarneqassasq ataatsimiititaliamit piumasarineqarpoq, tassani nalunaarutip atuuttup allanngortinneqarnissaanut Naalakkersuisut pisariaqarsorinikuunngilaat.

Naggataatigut minnerunngitsumillu ataatsimiititaliami ima paasivaat, nannut ajornartorsiutaasut pisarineqartut kiisalu ajornartoornermi imaluunniit allatut iliorsinnaannginnermi pisarineqartut piniartunut pisassiissutitut ilanngunneqartassanngitsut.

Siunnersuutip aningaasaqarnikkut kingunerisassai


Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinnissaanut aningaasaqarnikkut allaffissornikkullu kingunerisassai siunnersuutip tunngavilersuutaani allaaserineqassasut.

¹ EM2020/66

Siunnersuutip piviusunngortinneqarnissaanut aningaasaqarnikkut kingunerisinnaasai siunnersuummi naapertuuttumik oqaatigineqartutut ataatsimiititaliamit maluginiarneqarpoq. Isumaliutissiissutip allanngortinneqarnissaanut allaffissornikkut nukinnik atuinissamut nutserinerit, tusarniaanerit allallu ilanngullugit AC ukiumut 125.000-it 250.000-it qaangerneqarnaviannngitsut naatsorsuutigineqartoq siunnersuuteqartup oqaatigaa. Ataatsimiititaliaq tamatumunnga oqaaseqaatissaqanngilaq.

Ataatsimiititaliap inassuteqaatai


Ataatsimiititaliaq isumaqatigiittoq siunnersuumik akuersisoqarnissaanik inassuteqaateqarpoq. Taama oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappassaaniigassanngortippaa.




Jens Napaattoq
Siulittaasoq



Aslak W. Jensen
Siulittaasup tullia



Siverth K. Heilmann



Karl Tobiassen



Hans Aronsen

Knud Mathiassen



Jens-Frederik Nielsen

Siunnersuutip piviusunngortinneqarnissaanut aningaasaqarnikkut kingunerisinnaasai siunnersuummi naapertuuttumik oqaatigineqartutut ataatsimiititaliamit maluginiarneqarpoq. Isumaliutissiissutip allanngortinneqarnissaanut allaffissornikkut nukinnik atuinissamat nutserinerit, tusarniaanerit allallu ilanngullugit AC ukiumut 125.000-it 250.000-it qaangerneqarnaviangitsut naatsorsuutigineqartoq siunnersuuteqartup oqaatigaa. Ataatsimiititaliaq tamatumunnga oqaaseqaatissaqanngilaq.

Ataatsimiititaliap inassuteqaatai

Ataatsimiititaliaq isumaqatigiittoq siunnersuumik akuersisoqarnissaanik inassuteqaateqarpoq. Taama oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappassaaniigassanngortippaa.

Jens Napaattoq
Siulittaasoq



Aslak W. Jensen
Siulittaasup tullia

Hans Aronsen

Siverth K. Heilmann

Knud Mathiassen

Karl Tobiassen

Jens-Frederik Nielsen